

## P R A E F A T I O

in primis iuuenum studia adiuuare, sed copias etiam Lexico olim graeco, iusto illi, et velut historiae criticae linguae graecae ex variis scriptoribus colligendae, suppeditare debent; sed animus aliis studiis nunc intentus subito in consilio nouo me defecit. Indicem Syntacticum plane omisi, velut inutilem; nemo enim facile rhetoricas regulas ex Xenophonte collectas ediscet.

Indiculo variarum lectionum atque emendationum ad Xenophontis libellum egregium de Venatione pertinentium, quem Zeunius Praefationi suae subiunxit, poteram multo plures *Conr. Gesneri* et meas emendationes addere; sed locus hic ineptus statim mihi visus est ad opes criticas ostentandas. Quare quidquid vel emendationum vel variarum lectionum aut ex scriptoribus et grammaticis antiquis collectum, aut ingenio meo inuentum in promptu habeo, id omne cum lectoribus Xenophontis studiosis aut obiter in noua Historiae graecae editione, quam ex copiis Zeunii concinnata non longo abhinc tempore publicabo, aut separatim positas in breui aliquo libello communicabo. Interim ex animo opto, ut et haec mea opera iuuentuti ad studia graecarum litterarum et acrius incitanda et accuratius percipienda atque excolenda proficit. Dab. Francofurti ad Viadrum mense Decembri 1789.

I. G. SCHNEIDER,  
Eloquent. et Philolog. Professor.

---

---

IO.